

Na osnovu člana 57. Zakona o zaštiti ličnih podataka Bosne i Hercegovine („Službeni glasnik BiH“ broj: 12/25), člana 106. i 108. Zakona o odgoju i obrazovanju u osnovnoj i srednjoj školi Kantona Sarajevo („Službene novine KS broj: 27/24), a u skladu sa odredbama Pedagoških standarda i normativa za odgoj i obrazovanje u osnovnoj i srednjoj školi („Službene novine Kantona Sarajevo“, broj: 3/25 i 29/25), člana 96. Pravila škole, Školski odbor JU „Prve osnovne škole“ Ilidža je na svojoj **2. (drugoј) redovnoj sjednici, održanoј dana 13.10.2025. godine** jednoglasno donio sljedeći

P R A V I L N I K

O VIDEONADZORNOM SISTEMU U JAVNOJ USTANOVI „PRVA OSNOVNA ŠKOLA“ ILIDŽA

I PREDMET PRAVILNIKA

Član 1.

Pravilnikom o videonadzornom sistemu u JU „Prva osnovna škola“ Ilidža (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

II ODLUKA O VIDEONADZORNOM SISTEMU

Član 2.

Školski odbor JU „Prva osnovna škola“ Ilidža donosi odluku o uvođenju videonadzornog sistema u školi.

III ZAKONSKI OKVIR

Član 3.

Pravni osnov za donošenje ovog Pravilnika su odredbe Zakona o zaštiti ličnih podataka Bosne i Hercegovine („Službeni glasnik Bosne i Hercegovine broj: 12/25“).

Član 4.

U skladu sa Pedagoškim standardima i normativima za odgoj i obrazovanje u osnovnoj i srednjoj školi predviđena je uspostava odgovarajućeg videonadzornog sistema u osnovnim školama.

IV SVRHA VIDEONADZORNOG SISTEMA

Član 5.

Svrha uspostavljanja videonadzornog sistema u JU „Prva osnovna škola“ Ilidža jeste neophodna optimizacija sigurnosti učenika, uposlenika, roditelja i posjetioca škole, u toku nastavnog procesa u prostoru škole i školskog dvorišta; sigurnost objekta i imovine škole u periodu kada se ne izvodi nastavni proces (noćni sati, vikendi, neradni

dani i praznici, periodi kolektivnih godišnjih odmora), u svrhe predviđene Pravilnikom o kućnom redu. Videonadzor se vrši radi bezbjednosti lica i imovine, te radi kontrole kretanja i sprečavanja neovlaštenog pristupa posjetilaca službenim prostorijama.

Član 6.

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

V OPSEG PODATAKA VIDEONADZORA

Član 7.

Videonadzorni sistem škole obuhvata:

- a) Unutrašnje kamere i vanjske kamere.
- b) Nadzorne kamere su osjetljive su na pokret.
- c) Uređaj za pohranu videozapisa deponuje i arhivira videozapise minimalno 30 dana.

Član 8.

Unutrašnje kamere pokrivaju glavne koridore, hodnike i komunikacije unutar škole.

Član 9.

Vanjske kamere vrše nadzor nad prostorom dvorišta škole, parkinga i ulaze u školu.

Član 10.

Na ulazu u školu i oko školskog dvorišta postavljaju se vidljivi znaci obavijesti: PAŽNJA OBJEKAT POD VIDEONADZOROM.

VI UPOTREBA PODATAKA

Član 11.

Uređaj za snimanje i monitori videonadzornog sistema u portirnici škole. Direktor škole može ovlastiti i drugo lice da ima pristup administraciji videonadzornog sistema škole u svojstvu kontrolora, kada direktor nije prisutan u školi.

Član 12.

- a) Kontrolor videonadzornog sistema jeste direktor škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 57. Zakona o zaštiti ličnih podataka Bosne i Hercegovine.

Član 13.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predocjenje validnog naloga.

Član 14.

Monitoring u realnom vremenu nad videonadzorom imaju i dnevni čuvari škole ili druga lica koja ovlasti direktor škole, bez mogućnosti pristupa snimcima, već usključivo parčenje u realnom vremenu.

VII ZAŠTITA LIČNIH PODATAKA

Član 15.

- (1) U skladu sa odredbama Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora.
- (2) Obrada ličnih podataka koju obavlja nadležni organ zakonita je samo ako je nužna i samo u onoj mjeri u kojoj je nužna za obavljanje poslova nadležnog organa u svrhe iz člana 4. ovog Pravilnika.
- (3) Kontrolor podataka koji obavlja videonadzor donio je odluku o uspostavljanju i vršenju videonadzora u prostorijama JU "Prva osnovna škola" Ilidža, u kojoj je navedeno da će se Pravilnikom koji donosi Školski odbor bliže urediti uspostava, pravni osnov, svrha, upotreba videonadzora u prostorijama škole i u dvorištu škole, opseg podataka, pravila obrade s ciljem poštivanja prava na zaštitu privatnosti i ličnog života nosioca podataka.
- (4) Zabranjena je obrada ličnih podataka koji otkrivaju rasno ili etničko porijeklo, politička mišljenja, vjerska ili filozofska uvjerenja ili pripadnost sindikatu, kao i obrada genetskih podataka, biometrijskih podataka u svrhu jedinstvene identifikacije lica ili podataka o zdravlju ili podataka o spolnom životu ili seksualnoj orijentaciji lica.
- (5) Izuzetno, obrada posebnih kategorija ličnih podataka je dopuštena isključivo ako je to nužno, pridržavajući se odgovarajućih zaštitnih mjera u vezi s pravima i slobodama nosioca podataka:
 - a) ako je propisana posebnim zakonom;
 - b) radi zaštite vitalnih interesa nosioca podataka ili drugog pojedinca ili
 - c) ako se takva obrada odnosi na podatke za koje je očito da ih je objavio nosilac podataka.
- (6) Svaka obrada ličnih podataka koji imaju određen stepen tajnosti na osnovu posebnog zakona provodi se u skladu sa zakonom kojim se uređuje zaštita tajnih podataka.
- (7) Obrada ličnih podataka koji se odnose na krivičnu osuđivanost i krivična djela ili povezane mjere sigurnosti može se obavljati samo pod nadzorom javnog organa ili kada je obrada propisana posebnim zakonom kojim se propisuju odgovarajuće zaštitne mjere za prava i slobode nosioca podataka.

Član 16.

Evidencija nad zbirkom ličnih podataka u smislu tehničke izvedbe videonadzornog sistema (arhivski videozapisi) definiše se odredbama Zakona o zaštiti ličnih podataka Bosne i Hercegovine.

Član 17.

Pravilnik podrazumijeva poštivanje odredbe člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika - kada je to propisano zakonom ili ako je potrebno radi ostvarivanja prava ili obaveza radnika.

VIII PRIJELAZNE I ZAVRŠNE ODREDBE

Član 18.

Pravilnik stupa na snagu danom donošenja.

Član 19.

Za tumačenje odredbi ovog Pravilnika nadležan je Školski odbor.

Član 20.

Izmjene i dopune Pravilnika vrši Školski odbor na isti način kako je i donesen.

Član 21.

Javnost se upoznaje sa sadržajem ovoga Pravilnika putem službene web stranice škole i oglasne ploče.

Broj:01-1-1013-1/25
Datum:13.10.2025. godine



Predsjednica Školskog odbora
JU „Prve osnovne škole“ Ilidža
Dženita Omerčić, MA pedagogije

Bosna i Hercegovina
Federacija Bosna i Hercegovina
Kanton Sarajevo
Općina Ilidža
JU „PRVA OSNOVNA ŠKOLA“



Bosnia and Herzegovina
Federation of Bosnia and Herzegovina
Canton SARAJEVO
Community ILIDŽA
PI „THE FIRST ELEMENTARY
SCHOOL

Mala aleja 15. (71210) Ilidža; Tel./Fax: ++387 33 639 575; 639 574
e-mail: posili@bih.net.ba

Tel.direktora: 761 350
web:<http://www.osprvail.edu.ba>

ŠKOLSKI ODBOR

Broj: 01-1-1013-2/25

Datum: 13.10.2025. godine.

Na osnovu člana 20., a u vezi s članom 108. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo" broj: 27/24), Školski odbor Javne ustanove "Prva osnovna škola" Ilidža na svojoj **2. (drugo)** redovnoj sjednici održanoj **13.10.2025.** godine, donosi

O D L U K A

Član 1.

Usvaja se Pravilnik o videonadzornom sistemu Javne ustanove „Prva osnovna škola“ Ilidža.

Član 2.

Odluka stupa na snagu danom donošenja.

O b r a z l o ž e n j e

Shodno članu 20., a u vezi s članom 108. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo" broj: 27/24) Školski odbor donosi odluku o usvajanju Pravilnika o videonadzornom sistemu.

DOSTAVLJENO:

-Školski odbora,

-Oglasna ploča

-a/a

Predsjednik Školskog odbora
JU "Prve osnovne škole" Ilidža

Dženita Omerčić, MA pedagogije

